



雷公炮製藥性解卷之四

雲間李中梓仕材編輯

金陵鳳笙濮禮儀重校

草部下

燈心味淡性寒無毒入心小腸二經主胸腹邪氣清心定驚除熱利水燒灰敷金瘡止血療小兒夜啼吹喉中治急喉痹甚捷

按燈心味淡五臟無歸專入小腸利水經曰小腸受盛與心應故又入心經燒灰性涼宜治療如右

石斛味甘性平無毒入胃腎二經補虛羸煖水臟填精髓強筋骨平胃氣逐皮膚邪熱療腳膝冷痺久服厚腸胃定志除驚去根酒浸一宿曝乾酥炙用陸英爲使惡寒水石巴豆畏蠶雷丸

按石斛入腎則專主下部矣而又入胃者蓋以其味甘按助腎而不傷於熱平胃而不傷於燥之故也

雷公云

凡使去根頭用酒浸一宿漉出曬乾再以酥拌蒸從已至酉卻徐徐焙乾然後用

石葦味苦甘性平無毒入肺膀胱二經主勞熱邪氣五淋癰閉膀胱熱滿癰疽發背除煩下氣補虛益精拭去毛羊脂炒焦用滑石杏仁爲使得菖蒲良

按石葦清熱利水本入膀胱而肺則下連者也宜兼入之既能清熱利水則無陽亢陰傷之患

白蔘藜子味苦辛性溫無毒入肺肝腎三經主惡血塊癥結喉痹產難乳閉小兒頭瘡皮膚風癢頭痛欬逆肺痿除煩下氣明目去燥熱療腫毒止遺泄其菓可作浴湯治風杵去刺酒蒸炒用烏頭爲使沙苑藜主補腎添精強陰種子

按痰藜行血宜入肝經下氣宜入肺經惡血等症皆二經病也故俱主之其所以入腎者因肺為之母肝為之子未有子母俱利而腎不受其益者故能止遺洩產沙苑者誠續嗣神丹而本草不言惜哉

雷公云

凡使採得後揀淨了蒸從午至酉出日曬乾春令皮上刺盡用酒拌再蒸一二時用

青箱子味苦性微寒無毒入心肝二經主邪氣皮膚風熱溼癢殺三蟲疥蟲惡瘡痔蝕下部蠱瘡鎮肝臟堅骨筋益腦髓明耳目一名草蒿

按青箱子苦者丙丁之味也青者甲乙之色也故入心肝二經本經並不言治眼而藥性論及日華子皆言之亦以苦寒之性能清肝臟熱毒上衝耳

雷公云

凡使懼怕用思莫子并鼠細子兩件頗相似只是味不同其思莫子味甜煎之有涎凡用青箱

子先燒鐵杵白乃搗用之

木賊味甘微苦性平無毒入肝經主目疾退翳膜消積塊

益肝臟得麝香牛角腮治休息痢久不瘥得禹餘糧當歸
芎藭療崩中赤白得槐驚桑身治腸虛下血得槐子枳實
地榆治腸澼及痔血去節水潤焙用

按木賊之名以其能伐木也肝爲木故宜入焉夫
目得血而能視藉之以伐肝邪則血生而目愈矣

茅根味甘性寒無毒入胃小腸二經逐瘀血通血閉止吐
衄下五淋利小便理勞傷補虛羸除腸胃客熱治婦人崩
漏

按茅根利水本入小腸而
胃則其實受故亦入之

仙茅味辛性溫有毒入肝腎二經主心腹冷氣不能食腰
足攣痺不能行丈夫血損勞傷老人失溺無子強陽道補
精血明眼目堅骨髓洗淨去皮銅刀切如豆大生稀布袋

盛于烏豆水中浸一宿酒拌蒸半日曬乾用勿犯鐵器忌

牛肉牛乳

按仙茅性溫本入腎經而肝者腎所生也故兼入之傳云十斤乳石不及一斤仙茅蓋表其功爾中其毒者令人舌脹急煎大黃朴硝湯飲之復以末摻舌間即解素有火症者勿用

雷公云

凡採得後用清水洗令淨刮去皮於槐砧上切

漉出用酒拌溼蒸之從巳至亥取出曬乾用勿犯鐵器及牛乳斑人髻鬚

鬱金味辛苦性溫無毒入心肺二經主下氣破血開鬱療

尿血淋血金瘡瘡產蟬肚者佳

按鬱金本草言其性寒自藥性論始言其治冷氣今觀其主療都是辛散之用性寒而能之乎夫肺主氣心主血鬱金能行氣血故兩入之丹溪云屬火而有土與水古人用以治鬱遏不散者故名

薑黃味辛苦性溫無毒經絡主治與鬱金同功更烈

按薑黃本草亦曰性寒而陳藏器及日華子咸謂其熱辨之悉矣能傷元氣用者審之

牛蒡子味辛性溫無毒入十二經主風溼癰疹盈肌咽喉風熱不利諸腫瘡瘍之潤腰膝凝滯之氣潤肺止嗽散氣消痰酒拌蒸待有白霜出拭去焙乾搗用一名惡實一名鼠黏子

按主治秘訣及東垣皆云牛蒡子辛溫故能入十二經而通散潔古云吞一枚可出癰疽頭亦表其辛散之功爾本草言其性平誤矣

雷公云

凡使須揀淨以酒拌蒸待有白霜重出以布拭去焙乾搗粉用

紫草味苦性寒無毒入心小腸二經主心腹邪氣脹滿作痛癰腫諸毒除五疸利九竅通水道小兒血熱痘瘡尤爲要劑取嫩茸去髭用

按紫草主血熱本入心經而小腸者受盛而與心應者也故并入之邪氣諸症咸本於熱今清其心而自愈矣

雷公云

凡使須用蠟水蒸之待水乾取去頭并髭剉用每修事紫草一斤用蠟二兩鎔化用

白頭翁味苦性溫有小毒入心腎二經主溫瘧發狂癰瘰積聚癭瘤癰瘰金瘡鼻衄齒痛腹痛骨痛赤毒痢下男子陰疝偏腫小兒頭禿瘡腥蠹實為使得酒良

按白頭翁味苦本入心經經曰腎欲堅急入苦以堅之故又入腎溫瘧等症無非水衰火旺故治之

白前味甘辛性微溫無毒入肺經主下氣除嗽氣寒呃上衝不得睡臥氣逆冲喉呼吸欲絕腹中時時作水雞聲甘草水浸一宿去頭鬚子焙乾用忌羊肉

按白前色白味辛故入肺經專主一切氣症

雷公云

凡使以生甘草水浸一伏時漉出去頭鬚了焙乾收用

白薇味苦鹹性大寒無毒入心腎二經主暴中風身熱腹滿忽忽不知人狂惑鬼邪寒熱酸疼溫瘧洗洗發作下水氣利陰氣定驚益精以糯米泔浸一宿去髭細剉蒸用惡黃芪大黃大戟乾薑大棗乾漆山萸

按白薇味苦入心鹹入腎故主治如右

雷公云

凡採得以糯米泔汁浸一宿取出去髭於槐砧上細剉蒸之從申至巳曬乾用

白附子味甘辛性溫無毒入肺脾二經主中風失音一切冷風氣頭面百病斑點風瘡疥癬心痛血痺陰囊溼癢入藥炮用新羅出者佳

按白附色白味辛故宜入肺以治風痰甘而且溫故宜入脾以治皮膚陽中之陽能上升故治面病

蚤休味苦微寒有毒入心經主驚癇癰疾瘰癧陰蝕癰腫

毒瘡小兒胎風手足抽掣下三蟲去蛇毒一名紫河車一

名重樓金線

按蚤休味苦故入心經以治驚癇等疾而能解毒

白蘚皮味苦鹹性寒無毒入肺小腸二經主頭風黃疸欬逆淋瀝溼痹死肌一切疥癩惡風疥癬楊梅諸瘡熱毒天行時疾頭疾眼疼女子陰痛小兒驚癇和血脉通九竅利小腸惡蠅蛸桔梗茯苓草薺

按白蘚皮入肺經故能去風入小腸故能去溼夫風溼既除則血氣自活而熱亦從此逝矣

蘆薈味苦性寒無毒入心肝二經消風熱除煩悶明眼目治驚癇殺三蟲療五疳及疥癬痔漏諸瘡解巴豆毒

按蘆薈之苦本入心經而肝則其母也故亦入之在小兒驚癇諸熱尤爲重藥

雷公云

象膽即蘆薈也凡使勿用雜象膽其象膽乳子
上有竹斑光膩和眾藥搗此藥先搗成粉

胡黃連味苦性寒無毒入肝膽胃三經主傷寒欬嗽溫瘧
發熱骨蒸勞熱三消五痔補肝膽明眼目止瀉痢益顏色
治小兒驚疳霍亂大人五心煩熱婦人胎蒸虛驚惡菊花
玄參白蘚皮忌豬肉解巴豆毒折之出塵如煙者真

按胡黃連苦寒能瀉三經之火小兒多熱症最宜

澤蘭味苦性微溫無毒入小腸經通肝脾之血產前後百
病皆治通九竅利關脉又主頭風目痛鼻紅吐血治癰排
膿防己爲使

按澤蘭能通利小腸則肝脾無壅闕之患故能通關竅
以理血脉也行血而無推蕩之患養血而無膩滯之虞
所以爲產利聖藥凡癰瘡皆因血熱故亦治之

雷公云

凡使須別雌雄大澤蘭莖葉皆圓根青黃能和血調氣與榮合小澤蘭迴別葉上斑根頭尖能

破血通久積凡用大小澤蘭細剉以絹袋盛懸於屋南畔角上令乾用

狗脊味苦甘性微溫無毒入腎膀胱二經主腎氣虛弱風寒溼痺腰膝軟弱骨節作疼老人失溺不節女子傷中淋露酒蒸用草薺爲使惡敗醬莎草

按狗脊入腎故主骨病入膀胱故主溼病

雷公云

凡使狗脊勿用透山藤根形狀一般只是入頂苦不可餌也凡修事用火燎去鬚細剉了酒浸

一宿蒸之從巳至申取出曬乾用

青蒿味苦性寒無毒入心經主骨蒸勞熱虛煩盜汗明目殺蟲童便浸七宿曬乾用

按青蒿苦入心故瀉丙丁以理諸疾

雷公云凡使青蒿惟中為妙到膝即仰到腰即俛使子

採得葉用七歲兒七箇溺浸七日夜漉出曬乾用之

華撥味辛性大溫無毒入肺脾胃膀胱四經主溫中下氣

消食開痰治陰疝止霍亂除瀉痢日久療心腹冷痛醋浸

一宿刮去皮粟子令淨方用

按華撥辛走肺家溫宜脾胃膀胱肺縮故咸入之

雷公云凡使去挺用頭以醋浸一宿焙乾以刀刮去皮粟子令淨乃用免傷人肺令人上氣

王不留行味苦甘性平無毒入心肝二經主金瘡止血癰

疽毒瘡心煩鼻衄難產出竹木刺入肉治風毒通血脉酒

蒸焙用

按王不留行專療血症而心主血肝藏血者也故均入之癰疽等症血不和也經曰營氣不從逆於肉理乃生

癰腫此主和血固宜治之又治風毒者所謂治風先治血血行風自滅也

雷公云

凡採得拌溼蒸之從已至未以漿水浸一宿焙乾用之

淫羊霍味辛性溫無毒入腎經主陽絕不起陰絕不育莖中作痛小便不利益氣力堅筋骨丈夫久服令人無子每斤去花細剉拌羊脂四兩炒盡脂爲度山藥紫芝爲使得酒良一名仙靈脾

按仙靈脾入腎而主絕陽等症其爲補也明甚乃繼之曰久服無子毋乃惑乎不知此劑專助相火令人淫慾不休慾太甚則精氣耗經曰因而強力腎氣乃傷高骨乃壞且命門之火乘水之衰挾土來尅生之不保其能耶嗣

雷公云

凡使須時呼仙靈脾以夾刀夾去葉四畔花枝盡每一斤用羊脂四兩拌炒待脂盡爲度用

巴戟天味辛甘性微溫無毒入脾腎二經主助腎添精除

一切風及邪氣酒浸用覆盆爲使惡雷丸丹參

按巴戟之溫本專補腎而肺乃腎之母也且其味辛故兼入之以療風凡命門火旺以致泄精者忌之

雷公云凡使先用枸杞子湯浸一宿待稍軟漉去酒浸一伏時又漉出用菊花同熬令焦黃去菊花以

布拭乾用

蘭葉味甘性寒無毒入肺經止渴生津益氣散鬱

按丹溪云蘭葉稟金水之精故入肺臟昔東垣方中嘗用之經曰消諸痺治之以寒是也命屢驗之

水萍味辛酸性寒無毒入肺小腸二經消水腫利小便逐

風寒堪浴遍身瘡癢發汗甚于麻黃

按水萍入肺故主祛風入小腸故主祛溼此是水中大萍非溝渠所生者高供奉採萍歌云不在山不在岸採

我之時七月半選甚癰風與緩風些小微風都不算豆淋酒下兩三丸鐵漢頭見都出汗以此觀之其功甚於

麻黃可知矣

決明子味鹹苦甘性平無毒入肝經主青盲赤白翳膜時
有淚血除肝熱療頭風研末塗腫毒貼腦止鼻紅楮實爲
使惡大麻子

按決明專入厥陰以除風熱故爲眼科
要藥鼻紅腫毒咸血熱也宜其療矣

薤麻子味甘辛有小毒入脾大腸二經主水腹脹滿臟腑
燥熱無名腫毒敷之可消口眼喎斜敷之可止塗足心下
胞胎如神塗巔頂收子腸甚捷忌見鐵器服過者一生忌
食豆誤犯之腹脹猛甚藥主腳氣風腫不仁搗蒸敷之

按丹溪云薤麻子屬陰故入太陰陽明以驅水滿以催
產難固矣而無名腫毒熱也口眼喎斜風也何併治之
豈其辛甘發散之功耶

雷公云

凡使勿用黑天赤利子緣在地蔓上是顆兩頭
尖有毒不可用其薤麻子形似巴豆而光滑有

黃黑斑點凡使先須和皮用鹽湯煮半日去皮取肉研過用

馬鞭草味甘苦性寒有小毒入肝脾二經主活血通經治金瘡諸瘡癰取汁和酒服

按肝藏血者也脾裏血者也馬鞭專主血分故入是二經

蘆根味甘性寒無毒入肺胃二經主消渴客熱止小便利治五噎心膈氣滯煩悶吐逆以蘆根五兩水三盞煮一盞服甚效

按蘆根主氣逆嘔噦故入太陰陽明消渴之症亦以氣化不及州都故也得蘆根以理太陰而津液之生必矣
雷公云凡使蘆根須要逆水生并黃泡肥厚者去鬚節并赤黃皮用

蛇牀子味苦辛甘性平有小毒入肺腎二經主風寒溼痹諸惡瘡癰婦人陰中腫痛男子陰痿溼癢久服駐顏輕身